

- 15 -

Dastumad Pennwern : dornskrid 89

5. AL LESVAMOU - En Dreguer : EWANNIK A LIGNE -
(follennoù 13 - 17)

Benos d'al loar a dar steret
Da kement tra zo var ar bed

he special d'al les-vamou
ma mallos a pedan gato

Me voa eur krouadur iacouank flam
Pa varvas digan-he va mam.

Setu va zad o dimisi
hag ho digas eul les-vam din

Pa ves va zad hag hi eus tol o goania
Me ves adreg an or ho wela.

Pa ia ma les-vam emez an ti
distol va zad eun askorn din
Evel ma ve tollet da eur c'hi

ha c'hoas e lavar din asta buan
Gant aon na deufe va lesvam

Na pa deu va lesvam en ti
e ra eur sel a gorn ouzin

hag e kommanç da maltraiti

- 16 -

Eun devez e his var ar mes
ha me arriout n'ti va magerez

Va les-vam pa n'alle va goëlet
Dam sad e deveus lavaret

Yvonnik al Litur zo bed aman
En deus gourdroutet ho lazan.

An dra ze dec'h me ne kredan ked
Yvonnik al Litur em c'har pepred

Ma na goulennit ma kredi
goulennit gant ol dud ho ti

Ma na kredit ket tud ho ti
Goulit gant ar potret marchossi

Ol e tougent feiz fal destini
En aont zizoblija anezi

Hag e varfe eur marc'h beb leo
Da roazon sur me a ielo

Henon ma mab Yvonik me roio

Hag a varfe eur marc'h beb kamet
Da Roazon sur me renk monet.

Nag ar justic a vonjoure
En ti ar magerez pan 'arrue.

- 17 -

Debonjour a joa oll en ti man
Yvonnik a Litur pelec'h e man.

Yvonnik a litur zo en e vele
Kousket c'hoek var e goste

Otrou Doue, petra meus me gret dam zad
Pa he deut an archerien d'am c'herc'hat.

C'houi a deus laket va lianen gentan
hag a lakeio an divean.

Na na kaffen ket eur messajer
Da c'has dam paeron eul liser.

Chevalier Guen rer a nezan
Kasset al liser man dezan.

Debonjour a joa bars an ti-man
Chevalier guen pelec'h e man

Chevalier guen ne man ket er ger
Zo ed gant eun tamik affer.

A c'han da varc'hoas deuiio ket dar ger

Me zo eul liser gane aman
hag a zo preset bras a kredan

Chevalier guen pa deus klevet
gant ar vins dan traon zo diskenet.

- 18 -

Na ne voa ket evit e len
gant an dour o koueza deus e ben.

Ne voa ket evit e len mad
Gant an dour o tond var e zaoulagad.

hag a varfe eur marc'h beb leo
Da Roazon sur me a ielo

hag e varfe eur marc'h beb kammet
Da Roazon sur me renk monet.

vvvvv

Jannet K/guiduff 19 Xbre 1850

vvvvvvvvvv